



Universitätsbibliothek Paderborn

V. P. Gasparis Druzbicki, Societatis Jesu, Opera Omnia Ascetica

Aucta Duobus Opusculis De Effectibus, Fructu, Et Applicatione Sanctissimi
Missæ Sacrificii, Et De Sublimitate Perfectionis Religiosæ. Catalogum
Tractatum Asceticorum Omnium Vicina Post Dedicationem Pagina
Indicabit

V. P. Gasparis Druzbicki, Societatis Jesu, Fasciculus Exercitiorum Et
Considerationum, De Præcipuis Veritatibus Christianæ Fidei Et Sapientiæ -
Ad efformationem Christianæ vitæ, consecutionem salutis æternæ
collectus: & usui accommodatus

Družbicki, Kaspar

Ingolstadii, 1732

VD18 90066332

Exercitium 1. Quid sit, &, quòd sit Deus?


urn:nbn:de:hbz:466:1-45396

10 Exerc. I *Quid sit, & quod sit Deus.*

Exerc. 7. De Arctâ, & Spatiosa Viâ ad Æternitatem.

Exerc. 8. De Industriis quotidianæ conversationis cum Æternitate.

Exerc. 9. Quibus operibus obtineatur Æternitas Misera, vel Beata.



EXERCITIORUM

PARS I.

Erga Unum & Trinum DEUM

EXERCITIUM I.

Quid sit, & quod sit DEUS.

I.

Statue te in conspectu DEI, Unius in Trinitate, Trini in Unitate. Unius in Essentia, Trini in Personis; Patris, Filii, & Spiritus Sancti. Hic est Verus DEUS, & non apponetur alias ad eum.

2. Cogita, agnosce, confitere, DEUM esse, & cogitari, & dici, id quod Est, & Eum qui est: & eum, quem non esse, & non existere est impossibile: Qui est Ens per omnia: Ens ante omnia: Ens sine omnibus. Ens à se ipso solo, & à nullo

Exerc. I. Quid sit, & quod sit Deus. II

nullo alio , neque cum ullo alio , nisi quod est ab ipso. Ens , ante quod nihil fuit , post quod nihil erit , quia ille semper & sine ullo sine erit , & ab illo solo erit , quidquid unquam fuit , est , erit.

3. Deus Est. Et Ens Entium est. Ens Essentiale , Essentia Essentiarum , Essentialis Essentia , abyssus , & abyssalis Essentia , abyssus Entitatis , pura , plena , simplex una , omni- una essentia , atque Entitas.

4. Deus est : omnia Actu : purus actus , unus actus , omnis & omnia actus . Omnis possibilis tatis & potentiae actualitas , plenusque actus , etiam omnipotentiae , ipsissimaque omnipotencia . Pelagus Essentiae . Entitatis Oceanus . Fons talis Entitas . Originalis Essentia , & origo omnium Essentiarum . Originem ipse nullam habens : sed origo originum omnium ipsa existens . Ens verum , & vere plureque Ens : nihil nihili : omni que nihilo vacuum , & impossibilitatem habens cum nihilo . Omnis omnitudo : omne omnium , totus Actus totumque actu . Potentiâ nihil , omnia actu .

5. Deus est hoc , quod à Deo cogitari solo potest . Nihil horum , & hujus , quod à quo cunque alio , non Deo , cogitari potest . Nihil horum , sed suprà hoc infinites aliud , melius , plenius , dignius , perfectius , quod nos cogitamus de Deo . Totum , simplex , totum unum , totum suum , totum sibi , totum omne Esse , & essentiale , & essentialiter , & essentia esse .

6. Deus est : & ipsum Esse est : & ipse vere , pure , plene , essentialiter est . Nemini debet esse , nisi soli sibi : quia à se ex se , in se , per se , apud se ,

12 Exerc. I. Quid sit, & quod sit Deus.

se, solo se, est, quidquid est: quidquid autem est, omne quod esse cogitari congruit & potest; hoc verè, & actu, & reipsâ, & essentiâ, essentialiterque est.

7. Deus est: & est totum, quod Deum esse decet: & nihil est; quod Deum esset non decet. Omne bonum, & omnibonus, & omnia bona, & pura, putaque bonitas, & origo omnis bonitatis, & mare omnis boni. à quo, & per quem omne bonum: sine quo nihil, & nullum bonum: extra quem nihil bonum: imò omne Nihil: & omne Malum: solumque Nihil, & solum Malum.

8. Deus est: Ens & Essentia. Entitas & existentia. Unus & Unitas Trinus & Trinitas. Vivens & Vita. Sapiens & Sapientia. Omnipotens & Omnipotentia. Justus & Justitia. Misericors & Misericordia. Verus & Veritas. Charitas & diligens omnia. Nullius egens, continens omnia. Lux tenebras habens latibulum suum: & tenebrae in eo non sunt ullæ. Immutabilis, mutans & firmans omnia. implens minima, excedens summa. Inferior infimis, intimior intimis, altior summis, latior latitudine, longior longitudine, abyssis profundior, ex quo omnia quæ sunt: sed coram eo quasi non sunt. cui omnia sunt, etiam quæ non sunt: quia in manu ejus sunt, perinde, ac ea quæ de facto ab eo créata sunt.

9. Deus est: Verus, verè, & Veritas. Vivens & vita: Rationalis, & ratio prima, summa, omnis. Rectus, rectitudo, regula, inflexibilis, infallibilis, indeclinabilis. Huic quidquid congruit, rectum est; quidquid ab eâ declinat, rectum non est, nec esse potest.

10.

Exerc. I. Quid sit, & quod sit Deus. 13

10. Deus est: Pulcher, & Pulchrum, & Pulchritudo. omnium pulchrorum fons. sine quo nihil pulchrum: à quo omne pulchrum: coram quo tamen nihil pulchrum: nisi in quantum ab eo accipit ut sit pulchrum: quod tamen ipsius fontali pulchritudini comparatum, non meretur esse, aut dici pulchrum.

11. Deus est: Bonus bonum, bonitas, Faciens omnia bona, & dans omnibus bonitatem. Sine quo nulla est ullibi bonitas, bonique nihil.

12. Deus est: Amor sui & suus. Amans se, & omnia in se, ex se, propter se. Amatus, & Amabilis, & amandus absque mensurâ, absque modo, absque præmio, absque spe mercedis. Summum enim, & unicum præmium est; Amare illum: & Amor illius, tanto majorem mercedem habens, quanto magis nullam sperat.

13. Deus est: & ejus Voluntas est Potentia. Velle est posse. posse est facere: facere est Sanctum esse. Ei subest cum voluerit omnia posse. In ejus ditione cuncta sunt posita. Nec est qui possit ejus resistere voluntati.

14. Deus est: Vincens scientiam nostram. Magnus & incomprehensibilis cogitatu. Magnitudinis non habens finem: immensus & implens omnia, nusquam tamen conclusus. intra omnia, extra omnia, ultra omnia, super omnia, infra omnia.

15. Deus est: Majestas, Dignitas, Celsitudo, Claritas, Gloria, Dominatio, Potestas, Rex, & Regnum. Imperans, & Imperium. Provisor, & Pater, dans omnibus omnia. Ipse nemine indi-

14 Exerc. I. Quid sit, & si quod Deus.

indigens, nisi ad hoc, ut habeat, cui bene faciat.

Iste est Deus meus: & exaltabo eum. Iste est Deus: & hoc cogito, dum aliquid de Deo, dignum Deo cogito: quamvis ille infinites infinite perfectius, atque dignius, quiddam est, quam quod, & quomodo ego cogito.

P R A X I S.

O DEUS, o Divinum: o Deitas, o plenitudo, atque omnitudo Deitatis. Unus, unicus, unusimus, unitrinus tamen Deus. Non desertus solitudine, sed beatus Unitrinitate & Trini-unitate suā Deus. Te ipso Ens. Tūa ipsius Essentia. Totus, & semper ex te, & per te, & in te, & propter te. Tu tuatibi omnia. Tu beatus, & beatitudo tua. & hæc est ab æterna omnis occupatio tua quod sis, & non esse non possis Beatitudo tua. Ob hoc te amat: hoc tibi gratulatur, ex hoc de te gaudet universa Entitas mea: quia Tu es: quia es id quod es: quia ex te, & a te es. quia te, omni bonitate plenus es: quia perfectio tua, & dignitas, & gloria tota tibi es. quia ipse consummatè beatus, completa beatitudo es. Istud te esse, & abste esse, & æternaliter esse, Tantum volo, tantum amo, tantum gadeo, tantum exulto, quantum prævaleo posse: quantum dignum est, & tu donas me posse: quantum possem, si quantum tu potes, tantum dares mibi posse: quantum & vellem, si quantum Tu potes, ego quoque possem:

EXER-